

# Islam terus dimartabatkan



Dr Asyraf bersama pelajar Malaysia di Indonesia pada program Jelajah Ilmu Mahasiswa.

**JAKARTA, INDONESIA** - Malaysia diiktiraf negara luar sebagai model negara Islam terbaik, selepas melihat kepada pelbagai usaha yang dijalankan kerajaan adalah selaras dengan tuntutan Islam, kata Yang Dipertua Yadim, Datuk Dr Asyraf Wajdi Dusuki.

Beliau yang juga Ahli Majlis Tertinggi Umno berkata, ini termasuklah penubuhan institusi pengajian tinggi seperti Universiti Islam Antarabangsa Malaysia (UIAM) pada 1983 yang melahirkan ribuan siswazah dan kini mengamalkan ilmu Islam dalam pelbagai disiplin dan bidang.

"Banyak kejayaan dilakar kerajaan BN melalui usaha memartabatkan Islam seperti sistem perbankan dan kewangan Islam yang dipelopori Malaysia dan kini menjadi contoh negara luar

mahupun bank asing, yang bertapak di negara ini," katanya di hadapan Persatuan Kebangsaan Pelajar Malaysia Di Indonesia (PKPMI) dan Kelab Umno Jakarta, di sini.

Turut hadir pada program Jelajah Ilmu Mahasiswa itu ialah Atase Pendidikan yang mewakili Duta Besar Malaysia di Jakarta, Maximillian Tariq Conrad, Timbalan Yang Dipertua Yadim, Dr Mohamad Yusri dan Penggerusi PKPMI, Muhamad Shazwan Sazali.

Mengenai polemik hudud yang hangat diperdebatkan hari ini, Dr Asyraf berkata, hukuman itu jika difahami falsafah dan matlamatnya tidaklah bertujuan menghukum semata-mata, sebaliknya satu bentuk undang-undang pencegahan hingga mencetuskan kegerunan dalam diri setiap penjenayah yang ingin melakukan jenayah.



# TPM hadir program muzakarah ulama

**Jakarta:** Muzakarah ulama Malaysia dan Indonesia adalah antara program yang akan disertai Timbalan Perdana Menteri, Tan Sri Muhyiddin Yassin, ketika lawatan tiga hari ke Indonesia bermula hari ini.

Duta Besar Malaysia ke Indonesia, Datuk Seri Zahrain Mohamed Hashim, berkata muzakarah Khamis ini akan disertai ulama dari Majlis Ulama Indonesia dan Yayasan Dakwah Islamiah Malaysia (YADIM).

Beliau berkata, kedua-dua negara mengamalkan konsep kesederhanaan dalam Islam

dan pertemuan ulama kedua-dua negara itu bakal memperkuat usaha itu.

Pada hari pertama, Muhyiddin akan bertemu rakyat Malaysia di sini, termasuk pelajar serta mereka yang bekerja dan berniaga di sini.

Pada hari kedua, beliau bertemu Menteri Pendidikan dan Kebudayaan, Anies Rasyid Baswedan dan Menteri Riset, Teknologi dan Pendidikan Tinggi, Muhammad Nasir, untuk membincangkan pelbagai isu berkaitan pendidikan.

“Isu bahasa Melayu yang digunakan di kedua-dua negara

juga akan dibincangkan dengan matlamat menjadikan bahasa itu sebagai bahasa antarabangsa utama,” katanya pada sidang media di pejabat Kedutaan Besar Malaysia di sini, semalam.

Beliau berkata, bahasa Indonesia sebenarnya adalah bahasa Melayu yang sama seperti di Malaysia, tetapi ada perbezaan yang akan dibincangkan dalam pertemuan itu.

Muhyiddin juga akan bertemu Naib Presiden Indonesia, Muhammad Jusuf Kalla, di pejabatnya, diikuti majlis makan tengah hari.

Zahrain berkata, program terakhir pada hari kedua ialah perjumpaan dengan ahli perniagaan Kamar Dagang dan Industri (KADIN) Indonesia yang membolehkan Muhyiddin membincangkan peluang perniagaan di Malaysia.

Pada hari terakhir, Muhyiddin bertemu Ketua Pengarang media massa di Indonesia.

Melalui lawatan singkat tetapi padat itu, isu yang dibincangkan oleh Perdana Menteri, Datuk Seri Najib Razak, ketika menerima kunjungan kali pertama Presiden Indonesia, Joko Widodo, Februari lalu, akan turut mendapat perhatian.

“Isu seperti tenaga kerja Indonesia, kemudahan bersekolah untuk anak rakyat Indonesia di Sabah dan Sarawak serta persempadanan maritim dijangka dibincangkan sebagai tindakan susulan,” katanya.



# Pelajar Thailand bertuah

**SEREMBAN** - Seramai 24 pelajar dari Thailand ditempatkan di Sekolah Menengah Agama Persekutuan, Labu hasil memorandum persefahaman (MoU) antara Kementerian Pendidikan dengan kerajaan Thailand, sejak 8 tahun lalu.

Mereka antara diraikan dalam majlis graduasi lepasan Sijil Pelajaran Malaysia (SPM) dan Sijil Tinggi Persekolahan Malaysia (STPM) sekolah berkenaan yang dirasmikan Yang Dipertua Yadim, Datuk Dr Asyraf Wajdi Dusuki.

Dr Asyraf yang juga bekas pelajar sekolah berkenaan berkata, program ini harus dipuji kerana memberi peluang kepada pelajar Thailand untuk mendalami Islam di sekolah-sekolah terpilih di negara ini.

"Pendekatan ini amat dipuji dan diharapkan terus disambung demi memastikan rakyat di selatan Thailand yang



**Dr Asyraf bersama guru-guru yang pernah mencurahkan ilmu kepadanya semasa beliau belajar di sekolah tersebut.**

beragama Islam dapat dibantu dan diberikan pendidikan agama yang sempurna.

"Mereka cukup bertuah kerana dapat belajar di Malaysia dan diharapkan meneruskan kesinambungan pembelajaran agama kepada masyarakat Islam di sana," katanya, semalam.

Beliau berkata, program,

ini satu pengiktirafan oleh kerajaan luar seperti Thailand terhadap sistem pendidikan negara khususnya sistem pendidikan Islam yang bersifat integratif dan dinamik.

"Mengajar ilmu agama pada masa sama membangun modal insan pelajar dengan keupayaan ilmu-ilmu moden," katanya.



Sinar Harian – 25 April 2015

# Jejak Menara Yadim dapat sambutan

**KUALA LUMPUR** - Program Jejak Menara yang dianjurkan Yayasan Dakwah Islamiah Malaysia (Yadim) tahun ini mendapat sambutan yang begitu menggalakkan daripada para remaja, khususnya lepasan Sijil Pelajaran Malaysia (SPM), Sijil Tinggi Persekolahan Malaysia (STPM) dengan dianggarkan 12,000 peserta hadir dalam 14 siri program itu.

Yang Dipertua Yadim, Datuk Dr

Asyraf Wajdi Dusuki berkata, pada siri terakhir program itu yang berlangsung di Universiti Malaya (UM) lebih 1,000 peserta hadir terdiri daripada remaja-remaja sekitar Kuala Lumpur dan Selangor.

Sepanjang program itu, katanya, pelajar didedahkan dengan pelbagai perkara termasuk prospektus kursus, sesi perkongsian bersama para pelajar UM yang merupakan ahli-ahli Sahabat Yadim serta sesi motivasi

bersama ikon dakwah Yadim.

"Melalui program ini, para peserta diberi pendedahan kepada para pelajar mengenai latar belakang UM termasuk pendedahan dari segi kemasukan, program yang ditawarkan dan infrastruktur disediakan oleh universiti," katanya.

Melalui program ini, Yadim berharap dapat memberi input berguna kepada para pelajar mengenai cabaran di menara gading.



**Program Jejak Menara mendapat penyertaan menggalakkan.**